



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De præparatione sacerdotis celebraturi,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

In medio autem necessario ponenda Crux cum Crucifixo, rarò invenitur posita. Non est autem ponenda in Altari alia Crux præter eam, quæ in medio collocari debet, neque ulla monstrantia vacua pro ornamento.

In eodem capite offendunt, qui suum rosarium vel altari imponunt, vel superimpositum Calici aut circa brachium in ingressu gestant, tam Sacerdotes, quàm Ministri.

RITUS SERVANDUS IN celebratione Missæ.

DE PRÆPARATIONE SACER- dotis celebraturi.

I.

1. Sacerdos celebraturus Missam, prævia Confessione sacramentali, quando opus est, & saltem Matutino cum Laudibus absoluto, orationi aliquantum vacet, & Orationes inferius positas pro temporis opportunitate dicat. Deinde accedit ad locum in Sacristia, vel alibi præparatum, ubi paramenta, aliæque ad celebrationem necessaria habentur:

tur:

tur : accipit Missale, perquirat Missam, perlegit, & signacula ordinat ad ea quæ dicturus est. Postea lavat manus, dicens Orationem inferius positam. Deinde præparat Calicem, (qui debet esse vel aureus, vel argenteus, aut saltem habere cuppam argenteam intus inauratam, & simul cum Patena itidem inaurata, ab Episcopo consecratus) super ejus os ponit Purificatorium mundum, & super illud Patenam cum Hostia integra, quam leviter extergit, si opus est, à fragmentis, & eam tegit parva Palla lineæ, tum velo serico : super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico vel auro in medio intextum, sed totum album, & ab Episcopo, vel alio habente facultatem, simul cum Palla benedictum.

2. Quibus ita dispositis accedit ad paramenta, quæ non debent esse lacera aut scissa, sed integra & decenter munda, ac pulchra, & ab Episcopo item, vel alio facultatem habente benedicta: ubi calceatus pedibus, & indutus vestibus sibi convenientibus, quarum exterior saltem

saltem talum pedis attingat, induit se, si sit Prælati secularis, supra rocchetum; si sit Prælati regularis, vel alius Sacerdos secularis, supra superpellicium, si commodè haberi possit, alioquin sine eo supra vestes communes, dicens ad singula singulas Orationes inferius positas.

3. Ac primùm accipiens Amictum circa extremitates & chordulas osculatur illud in medio, ubi est Crux, & ponit super caput, & mox declinat ad collum, & eo vestium collaria circumregens, ducit chordulas sub brachiis, & circumducens per dorsum, ante pectus reducit & ligat. Tum Alba induitur, caput submittens, deinde manicam dextram brachio dextro, & sinistram sinistro imponens. Albam ipsam corpori adaptat, elevat ante, & à lateribus hinc inde, & Cingulo per ministrum à tergo sibi porrecto, se cingit. Minister elevat Albam supra Cingulum circumcirca, ut honestè dependeat; & tegat vestes: ac ejus fimbrias diligenter aptat, ut ad latitudinem digiti vel circiter supra terram æqualiter fluat. Sacerdos accipit Manipulum, osculatur Crucem in medio, & im-

impo-

imponit brachio sinistro. Deinde ambabus manibus accipiens Stolam, simili modo deosculatur, & imponit medium ejus collo, ac transversando eam ante pectus in modum Crucis, ducit partem à sinistro humero pendentem ad dextram, & partem à dextro humero pendentem ad sinistram. Sicque utramque partem Stolæ, extremitatibus Cinguli hinc inde ipsi Cingulo conjungit.

4. Si celebrans sit Episcopus, non ducit Stolum ante pectus in modum Crucis, sed sinit hinc inde utrasque extremitates pendere: & antequam accipiat Stolum, accipit parvam Crucem pectoralem, quam osculatur, & collo impositam sinit ante pectus Chordulis pendere. Manipulum quoque non accipit ante Stolum, nisi in Missis Defunctorum, sed accipit ad Altare, cum in Confessione dicit, Indulgentiam illumque prius osculatur.

Postremò Sacerdos accipit Planetam.

5. Si sit Episcopus, & solenniter celebret, accipit paramenta & alia ut in Pontificali.

ANNO.

 ANNOTATIONES.

CAveat celebraturus ne Corporali vel Purificatorio utatur immundo.

Et pudendum sane est apud quosdam reperiri Purificatoria & Corporalia fordida vix semel in angaria lavari solita.

Ne patiatur tangi Purificatorium, vel Corporale, vel Pallam, ab eo qui non est saltem Subdiaconus

Dum sacris vestibus induitur, à colloquiis abstineat.

Si Planetæ duo vincula anteriori parte intrinseca adhaereant, ad pectus alliget, ne à tergo indecenter dependeant, quod fieri solet, ubi latior supra est apertura.

Calicem sacculo involutum ne gestet ad Altare, nec ab Altari ad Sacristiam. Neque Substratorium in Bursa Corporalium, sed dictum substratorium, ubi in usu est, antequam Sacerdos celebraturus egrediatur jam in medio Altaris aciculis ita firmatum, & mappæ fimbria, vel Antipendio annexum sit, ut loco suo

dum Sacerdos hinc inde sit, & se subindevertit, non
moveatur.